



Senat Univerziteta u Sarajevu u skladu sa svojom Odlukom broj: 01-10-2/24 od 03.06.2024. godine, na osnovu člana 61. stav (1) tačka b), a u vezi sa članom 63. Zakona o visokom obrazovanju („Službene novine Kantona Sarajevo“, broj: 36/22), te člana 64. stav (1) tačka d), a u vezi sa članovima 72. do 74. Statuta Univerziteta u Sarajevu, raspisuje

**JAVNI KONKURS
ZA IZBOR REKTORA UNIVERZITETA U SARAJEVU
ZA MANDATNI PERIOD 2024-2028. GODINE**

I

Rektor rukovodi radom i poslovanjem Univerziteta u skladu sa zakonom i Statutom Univerziteta u Sarajevu. Rektor Univerziteta u Sarajevu se bira na mandatni period od četiri (4) godine. Mandat rektora Univerziteta u Sarajevu započinje 1. oktobra 2024. godine, a prestaje 30. septembra 2028. godine.

Za rektora Univerziteta u Sarajevu može biti izabran kandidat koji ispunjava sljedeće uvjete:

1. da je državljanin Bosne i Hercegovine,
2. da je u radnom odnosu na Univerzitetu u Sarajevu/članici Univerziteta u Sarajevu sa punim radnim vremenom,
3. da je izabran u naučnonastavno zvanje redovnog profesora, naučno zvanje naučnog savjetnika ili u umjetničko-nastavno zvanje redovnog profesora sa odbranjenim doktoratom umjetnosti, odnosno nauka,
4. da kandidat koji ima izbor u naučnonastavno zvanje redovni profesor ispunjava obaveze utvrđene u članu 134. stav (2) Zakona o visokom obrazovanju („Službene novine Kantona Sarajevo“, broj: 36/22),
5. da nije osuđivan za krivično djelo ili da se protiv istog ne vodi krivični postupak.

Rektor u toku mandata ne može vršiti funkciju predsjednika ili člana Upravnog odbora Univerziteta u Sarajevu, obavljati funkcije u organima izvršne i zakonodavne vlasti, političkim strankama i sindikalnim udruženjima/organizacijama, kao i ostale funkcije čije je obnašanje ograničeno posebnim propisima.

Rektor Univerziteta u Sarajevu u toku mandata ne može vršiti funkciju dekana, direktora ili prodekana članice Univerziteta u Sarajevu.

II

Uz svojeručno potpisanu prijavu na Javni konkurs kandidati su dužni priložiti:

1. Uvjerenje o državljanstvu Bosne i Hercegovine (ne starije od tri mjeseca),
2. Izvod iz matične knjige rođenih,
3. Potvrdu o radnom odnosu sa punim radnim vremenom na Univerzitetu u Sarajevu/članici Univerziteta u Sarajevu (izdatu nakon objavljivanja Javnog konkursa u dnevnim novinama),
4. Odluku o izboru u naučnonastavno zvanje redovnog profesora, naučno zvanje naučnog savjetnika ili umjetničkonastavno zvanje redovnog profesora sa odbranjenim doktoratom umjetnosti odnosno nauka,
5. Biografiju (CV) datiranu i potpisanu od strane kandidata,
6. Bibliografiju datiranu i potpisanu od strane kandidata,
7. Opis naučnog i stručnog rada datiran i potpisan od strane kandidata,

8. Program rada za četverogodišnji mandatni period datiran i potpisan od strane kandidata (u štampanoj i elektronskoj formi (CD ili USB)),
9. Potpisanu i ovjerenu izjavu od strane nadležne općinske službe ili notara kojom kandidat potvrđuje da uredno ispunjava obaveze utvrđene članom 134. stav (2) Zakona o visokom obrazovanju („Službene novine Kantona Sarajevo“, broj: 36/22).

Kandidat koji bude izabran dužan je dostaviti:

1. Uvjerenje da nije osuđivan za krivično djelo (ne starije od tri mjeseca),
2. Uvjerenje da se protiv izabranog kandidata ne vodi krivični postupak (ne starije od 30 dana),
3. Ovjerenu izjavu da se na istog ne odnosi član IX. stav (1) Ustava Bosne i Hercegovine,
4. Potpisanu i ovjerenu izjavu od strane nadležne općinske službe ili notara kojom kandidat potvrđuje da nije predsjednik ili član Upravnog odbora Univerziteta u Sarajevu,
5. Potpisanu i ovjerenu izjavu od strane nadležne općinske službe ili notara kojom kandidat potvrđuje da ne obavlja funkcije u organima izvršne i zakonodavne vlasti, političkim strankama i sindikalnim udruženjima/organizacijama, kao i ostale funkcije čije je obnašanje ograničeno posebnim propisima,
6. Potpisanu i ovjerenu izjavu od strane nadležne općinske službe ili notara kojom kandidat potvrđuje da ne obavlja funkciju dekana, direktora ili prodekana članice Univerziteta u Sarajevu.

Kandidati su **obavezni potpisati** prijavu na Javni konkurs, biografiju, bibliografiju, opis naučnog i stručnog rada i program rada za mandatni period.

Kandidati koji ispune uvjete Javnog konkursa za izbor rektora, javno će prezentirati ponuđeni program na izbornoj sjednici Senata Univerziteta.

III

Rok za prijavu na Konkurs je 15 (petnaest) dana od dana objavljivanja Javnog konkursa u dnevnim novinama „Dnevni avaz“ i „Oslobođenje“ i na internet stranici Univerziteta u Sarajevu www.unsa.ba

Konkursna dokumentacija uz prijavu se dostavlja u originalu ili ovjerenoj kopiji.

Nepotpune i neblagovremene prijave neće se uzeti u razmatranje.

Konkursna dokumentacija se neće vraćati.

Informacije o nadležnostima i odgovornostima, odnosno pravima i obavezama rektora Univerziteta u Sarajevu, dostupne su na internet stranici Univerziteta u Sarajevu www.unsa.ba

Prijava na Konkurs sa potrebnim dokazima dostavlja se u zatvorenoj koverti na Pisarnicu Univerziteta u Sarajevu ili putem pošte na adresu:

Univerzitet u Sarajevu
- Komisija za provođenje procedure izbora rektora Univerziteta u Sarajevu -
uz naznaku:
„Prijava na Konkurs za izbor rektora – NE OTVARAJ“
Obala Kulina bana 7/II
71000 Sarajevo

Napomena: Svi izrazi koji se koriste u tekstu Javnog konkursa, a imaju rodno značenje, koriste se neutralno i odnose se jednako i na muški i ženski rod.